	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ	TC 01-02#6		
	«ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)	<i>Հաստատման ամսաթիվ 06/04/2020</i>	<i>Խմբագրություն 35</i>	<i>էջ 1/6</i>

Ուժի մեջ է 2020թ. ապրիլի 7-ից

ՀԱՍՏԱՏՈՒՄ ԵՄ

«ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ

Գլխավոր գործադիր տնօրեն

Հ. Անդրեասյան _____

6 ապրիլի 2020թ.

1. Սույնով սահմանվում են «ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» փակ բաժնետիրական ընկերության (այսուհետ՝ Բանկ) կողմից հաճախորդներից ներգրավվող ավանդների դիմաց վճարվող տոկոսադրույքները (այսուհետ՝ Սակագներ):

2. Ավանդների ներգրավման պայմաններ են հանդիսանում,

- Բանկի կողմից սահմանված տիպային պայմանագրի կնքումը,
- «Ճանաչիր հաճախորդիդ» հարցաթերթիկի լրացումը Հաճախորդի կողմից,
- Հաճախորդի համաձայնությունը՝ ՀՀ, օտարերկրյա և միջազգային օրենսդրություններով սահմանված դեպքերում և կարգով Բանկի կողմից իր մասին բանկային գաղտնիք կազմող տեղեկություններն երրորդ անձանց հրապարակելու վերաբերյալ:

3. Սակագների ձևավորման հիմքում ընկած են միջազգային բանկային պրակտիկայում ծառայությունների մատուցման գոյություն ունեցող հիմնադրույթները:

4. Սակագները կարող են Բանկի կողմից միակողմանիորեն փոփոխվել՝ այդ մասին նախապես Բանկի ինտերնետային կայքում և/կամ այլ հրապարակային աղբյուրներում, Բանկի տարածքում հաճախորդների համար տեսանելի վայրում տեղադրելով, ինչպես նաև համապատասխան պայմանագրերով նախատեսված կարգով հաճախորդներին տեղեկացնելով:

5. Հաճախորդի կողմից որոշակի ծառայության համար սահմանված տիպային փաստաթղթի կամ պայմանագրի ստորագրումը հաստատում է Սակագների, ինչպես նաև Բանկի կողմից տվյալ ծառայության համար սահմանված առանձին պայմանների և կանոնների ընդունումը:

6. Սակագներով ուղղակի չնախատեսված, սակայն Բանկի կողմից մատուցվող ծառայությունների, գործառնությունների ու գործարքների պայմանները սահմանվում են Բանկի և հաճախորդի միջև կնքված պայմանագրով և/կամ Բանկի ներքին իրավական ակտերով:

7. Առանձին դեպքերում, հաշվի առնելով հաճախորդի՝ Բանկում ունեցած դրամական հոսքերի չափը, հաշիվների մնացորդները, վարկային և/կամ ավանդային պատմությունը, գործարար համբավը, Բանկի հետ համագործակցության ժամանակահատվածը, կարող են առաջարկվել Սակագներից արտոնյալ պայմաններով (ոչ ստանդարտ) Սակագներ:

8. Բանկը պատասխանատու չէ անհաղթահարելի ուժի (բնական աղետներ, պետական մարմինների ակտեր, գործադուլ, քաղաքացիական հուզումներ, շրջափակումներ, հեռահաղորդակցության միջոցների աշխատանքի դադարեցում, արտակարգ այլ հանգամանքներ) հետևանքով առաջացած ուշացումների, սխալների և վնասների համար:


9. Բանկի ներքին իրավական ակտերով և/կամ կոնտրագենտների և/կամ Բանկի հաճախորդների հետ կնքված պայմանագրերով որոշակի շրջանակի կամ առանձին ֆիզիկական և/կամ իրավաբանական անձանց և/կամ անհատ ձեռնարկատերերի համար կարող են սահմանվել Սակագներից տարբերվող այլ սակագներ:

10. Բանկը հաճախորդներին ծառայություններ է մատուցում աշխատանքային օրերին¹ Երևանի ժամանակով ժամը 9:30-18:00, բացառությամբ հետևյալ դեպքերի.

- մասնաճյուղերի կողմից ծառայությունների դիմաց վճարումների ընդունում և հաշվարկադրամարկղային սպասարկում՝ աշխատանքային օրերին՝ Երևանի ժամանակով ժամը 9:30-16:30-ը,
- հեռահար եղանակով, ներառյալ՝ ֆինանսական գործառնությունների իրականացման ավտոմատ սարքերի (այսուհետ՝ ՖԳԻԱՍ) միջոցով ծառայությունների մատուցում՝ աշխատանքային օրերին՝ Երևանի ժամանակով ժամը 9:00-18:00,

ինչպես նաև, եթե Բանկի կողմից այլ բան սահմանված չէ առանձին ծառայությունները կարգավորող պայմաններում, պայմանագրերում, Բանկի ներքին իրավական ակտերում կամ www.acba.am Բանկի պաշտոնական կայքում:

¹ Աշխատանքային օրեր՝ երկուշաբթիից ուրբաթ օրերը (բացառությամբ այն օրերի, որոնք ՀՀ օրենսդրությամբ համարվում են/կհամարվեն ոչ աշխատանքային օրեր), ինչպես նաև այն օրերը, որոնք ՀՀ օրենսդրությամբ համարվում են/կհամարվեն աշխատանքային օրեր:

	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ		TC 01-02#6		
	«ԱԿՔԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)		Հաստատման ամսաթիվ 06/04/2020	Խմբագրություն 35	էջ 2/6

ՖԻԶԻԿԱԿԱՆ ԱՆՁԱՆՑ ԺԱՄԿԵՏԱՅԻՆ ԱՎԱՆԴՆԵՐ

ԱՎԱՆԴ ԴԱՍԱԿԱՆ

Դասական ժամկետային ավանդներն ընդունվում են ՀՀ դրամով, ԱՄՆ դոլարով, եվրոյով և ՌԴ ռուբլով:
 Ավանդի նվազագույն գումարը կազմում է 50 000 ՀՀ դրամ, 200 ԱՄՆ դոլար, 200 եվրո, 5 000 ՌԴ ռուբլի:

Դասական ավանդների ժամկետը կարող է լինել 1-36 ամիս:

Տվյալ ավանդատեսակը նախատեսում է ավանդային հաշվին գումարների մուտքագրում, բացառությամբ ավանդի գործողության ժամկետի վերջին երեք ամիսների ընթացքում:

Տոկոսների վճարման հաճախականությունը	Արժույթը	1 ամսից մինչև 3 ամիս ներառյալ	3 ամսից ավել մինչև 6 ամիս ներառյալ	6 ամսից ավել մինչև 9 ամիս ներառյալ	9 ամսից ավել մինչև 12 ամիս ներառյալ	12 ամսից ավել մինչև 24 ամիս ներառյալ	24 ամսից ավել մինչև 36 ամիս ներառյալ
Ժամկետի վերջում	ՀՀ դրամ	4.5%	6.0%	7.0%	8.0%	9.0%	9.5%
	ԱՄՆ դոլար	1.0%	1.8%	2.8%	3.75%	4.0%	4.25%
	Եվրո	-	-	1.0%	1.5%	2.0%	-
	ՌԴ ռուբլի	1.5%	3.0%	4.0%	5.0%	6.0%	-

Ավանդատուն ցանկության դեպքում կարող է անվճար ձեռք բերել քարտ կախված ավանդային հաշիվներին առկա գումարի չափից: Ավանդատուն (համատեղ ավանդի դեպքում համատեղ ավանդ ներդրած բոլոր ավանդատուները) կարող է անվճար ձեռք բերել VISA Classic/MasterCard Standard քարտ, եթե տվյալ պահին ավանդային հաշիվին (հաշիվներին) առկա գումարը (հանրագումարը) հավասար է կամ գերազանցում է 500 000 ՀՀ դրամը (դրան համարժեք արտարժույթը), կամ VISA Gold/MasterCard Gold քարտ, եթե տվյալ պահին ավանդային հաշիվին (հաշիվներին) առկա գումարը (հանրագումարը) հավասար է կամ գերազանցում է 7.5 մլն ՀՀ դրամը (դրան համարժեք արտարժույթը): ՀՀ դրամով, ԱՄՆ դոլարով և եվրոյով քարտերին ցանկացած պահին կարող է կցվել վարկային գիծ՝ տվյալ պահին ավանդային հաշիվին առկա գումարի մինչև 95%-ի չափով: Ավանդատուն ցանկության դեպքում համաձայն Վճարային քարտերի տրամադրման և սպասարկման սակագների կարող է ձեռք բերել American Express Gold կամ American Express Blue քարտեր՝ ժամկետային ավանդում ներդրված միջոցների գրավադրմամբ՝ ավանդի գումարի մինչև 95%-ի չափով վարկային գծով:

ԱՎԱՆԴ ԸՆՏԱՆԵԿԱՆ

Ընտանեկան ժամկետային ավանդներն ընդունվում են ՀՀ դրամով, ԱՄՆ դոլարով, եվրոյով և ՌԴ ռուբլով:

Ավանդի նվազագույն գումարը կազմում է 50 000 ՀՀ դրամ, 200 ԱՄՆ դոլար, 200 եվրո, 5 000 ՌԴ ռուբլի:


Ընտանեկան ժամկետային ավանդներն ընդունվում են 1-24 ամիս ժամկետով:

Ավանդատուն իրավունք ունի ավանդային պայմանագրի գործողության ժամկետի ընթացքում ավանդային հաշիվին մուտքագրել գումարներ, բացառությամբ ավանդի գործողության ժամկետի վերջին երեք ամիսների ընթացքում:

Տոկոսների վճարման հաճախականությունը	Արժույթը	առաջին 3 ամիսների համար	4-6-րդ ամիսների համար	7-9-րդ ամիսների համար	10 և ավել ամիսների համար
Ամսական	ՀՀ դրամ	4.25%	5.5%	6.75%	8.0%
	ԱՄՆ դոլար	0.75%	1.75%	2.75%	3.75%
	Եվրո	-	-	0.7%	1.4%
	ՌԴ ռուբլի	1.25%	2.5%	3.75%	5.0%

Առաջին, երկրորդ, երրորդ եռամսյակի վերջում նախորդ ամիսների համար ՀՀ դրամով, ԱՄՆ դոլարով և ՌԴ ռուբլով ավանդների դիմաց ավանդատուին միանվագ վճարվում է բոնուս՝ ՀՀ դրամի և ՌԴ ռուբլու դեպքում 1.25-ական տոկոս (տարեկան), ԱՄՆ դոլարի դեպքում 1-ական տոկոս (տարեկան), իսկ եվրոյի դեպքում՝ երկրորդ, երրորդ եռամսյակի վերջում 0.7-ական տոկոս (տարեկան)՝ հաշվարկված համապատասխանաբար այդ ամիսներին ավանդային հաշիվին առկա գումարների օրական մնացորդների նկատմամբ:

Ավանդատուն ցանկության դեպքում կարող է անվճար ձեռք բերել քարտ կախված ավանդային հաշիվներին առկա գումարի չափից: Ավանդատուն (համատեղ ավանդի դեպքում համատեղ ավանդ ներդրած բոլոր ավանդատուները) կարող է անվճար ձեռք բերել VISA Classic/MasterCard Standard քարտ, եթե տվյալ պահին ավանդային հաշիվին (հաշիվներին) առկա գումարը

	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ	TC 01-02#6		
	«ԱԿՐԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)	<i>Հաստատման ամսաթիվ 06/04/2020</i>	<i>Խմբագրություն 35</i>	<i>էջ 3/6</i>

(հանրագումարը) հավասար է կամ գերազանցում է 500 000 ՀՀ դրամը (դրան համարժեք արտարժույթը), կամ VISA Gold/MasterCard Gold քարտ, եթե տվյալ պահին ավանդային հաշվին (հաշիվներին) առկա գումարը (հանրագումարը) հավասար է կամ գերազանցում է 7.5 մլն ՀՀ դրամը (դրան համարժեք արտարժույթը): ՀՀ դրամով, ԱՄՆ դոլարով և եվրոյով քարտերին ցանկացած պահին կարող է կցվել վարկային գիծ՝ տվյալ պահին ավանդային հաշվին առկա գումարի մինչև 95%-ի չափով: Ավանդատուն ցանկության դեպքում համաձայն Վճարային քարտերի տրամադրման և սպասարկման սակագների կարող է ձեռք բերել American Express Gold American Express Blue քարտեր՝ ժամկետային ավանդում ներդրված միջոցների գրավադրմամբ՝ ավանդի գումարի մինչև 95%-ի չափով վարկային գծով:

ԱՎԱՆԴ ԿՈՒՏԱԿՎՈՂ

Կուտակվող ժամկետային ավանդներն ընդունվում են ՀՀ դրամով, ԱՄՆ դոլարով, եվրոյով, և ՌԴ ռուբլով: Ավանդի նվազագույն գումարը կազմում է 50 000 ՀՀ դրամ, 200 ԱՄՆ դոլար, 200 եվրո, 5 000 ՌԴ ռուբլի: Կուտակվող ավանդի ժամկետը կարող է լինել 6-24 ամիս: Ավանդատուն իրավունք ունի ավանդային պայմանագրի գործողության ժամկետի ընթացքում ավանդային հաշվին մուտքագրել գումարներ, բացառությամբ ավանդի գործողության ժամկետի վերջին երեք ամիսների ընթացքում:

Ավանդի արժույթը	Տարեկան տոկոսադրույթը
ՀՀ դրամ	8.0%
ԱՄՆ դոլար	3.75%
Եվրո	1.5%
ՌԴ ռուբլի	5.0%

Ավանդային պայմանագրի գործողության ընթացքում յուրաքանչյուր լրացած ամսվա համար ավանդի դիմաց հաշվեգրված տոկոսագումարը մուտքագրվում է ավանդատուի ավանդային հաշվին, ընդ որում՝ առաջին վեց ամիսների տոկոսագումարը մուտքագրվում է վեցերորդ ամսվա վերջին: Առաջին վեց ամիսների ընթացքում հաշվարկվում և վեցերորդ ամսվա վերջում Ավանդատուին միանվագ վճարվում է բոնուս ըստ ավանդի արժույթի՝ ՀՀ դրամի համար՝ 0.13%, ԱՄՆ դոլարի համար՝ 0.03%, եվրոյի համար՝ 0.004% և ռուսական ռուբլու համար՝ 0.06% (տարեկան)՝ հաշվարկված համապատասխանաբար այդ ամիսներին ավանդային հաշվին առկա գումարների օրական մնացորդների նկատմամբ:

Ավանդատուն ցանկության դեպքում կարող է անվճար ձեռք բերել քարտ կախված ավանդային հաշիվներին առկա գումարի չափից: Ավանդատուն (համատեղ ավանդի դեպքում համատեղ ավանդ ներդրած բոլոր ավանդատուները) կարող է անվճար ձեռք բերել VISA Classic/MasterCard Standard քարտ, եթե տվյալ պահին ավանդային հաշվին (հաշիվներին) առկա գումարը (հանրագումարը) հավասար է կամ գերազանցում է 500 000 ՀՀ դրամը (դրան համարժեք արտարժույթը), կամ VISA Gold/MasterCard Gold քարտ, եթե տվյալ պահին ավանդային հաշվին (հաշիվներին) առկա գումարը (հանրագումարը) հավասար է կամ գերազանցում է 7.5 մլն ՀՀ դրամը (դրան համարժեք արտարժույթը): ՀՀ դրամով, ԱՄՆ դոլարով և եվրոյով քարտերին ցանկացած պահին կարող է կցվել վարկային գիծ՝ տվյալ պահին ավանդային հաշվին առկա գումարի մինչև 95%-ի չափով: Ավանդատուն ցանկության դեպքում համաձայն Վճարային քարտերի տրամադրման և սպասարկման սակագների կարող է ձեռք բերել American Express Gold կամ American Express Blue քարտեր՝ ժամկետային ավանդում ներդրված միջոցների գրավադրմամբ՝ ավանդի գումարի մինչև 95%-ի չափով վարկային գծով:

ԱՎԱՆԴ ԵՐԵՒԱՆՆԵՐԻ ՀԱՄԱՐ


Երեխաների համար ժամկետային ավանդներն ընդունվում են ՀՀ դրամով և ԱՄՆ դոլարով: Ավանդի նվազագույն գումարը կազմում է 50 000 ՀՀ դրամ կամ 200 ԱՄՆ դոլար:

Երեխաների համար ավանդի ներդրման ժամկետը կարող է լինել մինչև երեխայի 18 տարին լրանալը, իսկ ավանդի ներդրման պահին երեխայի տարիքը չի կարող գերազանցել 15 տարեկանը:

Ավանդատուն իրավունք ունի ավանդային պայմանագրի գործողության ժամկետի ընթացքում ավանդային հաշվին մուտքագրել գումարներ, բացառությամբ ավանդի գործողության ժամկետի վերջին երեք ամիսների ընթացքում:

Երեխաների համար գործող ավանդի տոկոսադրույթը փոփոխվում է տարին մեկ անգամ՝ տվյալ ավանդի ներդրման ամսաթվին հաջորդող յուրաքանչյուր տարվա նույն ամսաթվին (ոչ աշխատանքային օրվա հետ համընկնելու դեպքում՝ հաջորդ աշխատանքային օրը):

Երեխաների համար ժամկետային ավանդի տոկոսադրույթներն են՝

	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ		TC 01-02#6		
	«ԱԿԲԱ-ԿՐԵԴԻՏ ԱԳՐԻԿՈՆ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)		<i>Հաստատման ամսաթիվ 06/04/2020</i>	<i>Խմբագրություն 35</i>	<i>էջ 4/6</i>

Ավանդի արժույթը	Տարեկան տոկոսադրույքը
ՀՀ դրամ	9.5%
ԱՄՆ դոլար	4.75%

Պայմանագրի գործողության ընթացքում ավանդի դիմաց հաշվեգրված տոկոսագումարները մուտքագրվում են Ավանդատուի ավանդային հաշվին ավանդի ներդրման ամսաթվին հաջորդող յուրաքանչյուր տարվա նույն ամսաթվին (ոչ աշխատանքային օրվա հետ համընկնելու դեպքում՝ հաջորդ աշխատանքային օրը):

Բոլոր ավանդատեսակների համար 500 միլիոն ՀՀ դրամից բարձր ժամկետային ավանդների պայմանները (տոկոսադրույք, ժամկետ և այլն) սահմանվում են պայմանագրային հիմունքներով: Եթե հաճախորդն ունի ընթացիկ ժամկետային ավանդներ, և նոր ներդրվող ավանդը ներդնելուց հետո հաճախորդի ժամկետային ավանդների ընդհանուր գումարը կգերազանցի 500 միլիոն ՀՀ դրամը, և նոր ներդրվող ժամկետային ավանդի գումարը մեծ կամ հավասար է 100 մլն ՀՀ դրամից, ապա նոր ներդրվող ավանդի պայմանները սահմանվում են պայմանագրային հիմունքներով:

ԻՐԱՎԱԲԱՆԱԿԱՆ ԱՆՁԱՆՑ ԵՎ ԱՆՀԱՏ ԶԵՌՆԱՐԿԱՏԵՐԵՐԻ ԺԱՄԿԵՏԱՅԻՆ ԱՎԱՆԴՆԵՐ

ԲԻԶՆԵՍ ԱՎԱՆԴ

Բիզնես ավանդներն ընդունվում են ՀՀ դրամով, ԱՄՆ դոլարով, եվրոյով և ՌԴ ռուբլով:

Ավանդի նվազագույն գումարը կազմում է 500 000 ՀՀ դրամ, 1 000 ԱՄՆ դոլար, 1 000 եվրո, 50 000 ՌԴ ռուբլի:

Բիզնես ավանդի ժամկետը կարող է լինել 1-24 ամիս (եվրոյով ավանդների և բոլոր արժույթների ամսական կապիտալացման տարբերակի դեպքում՝ 6-24 ամիս):

Ավանդատուն կարող է ավանդային հաշվին մուտքագրել գումարներ՝ բացառությամբ ավանդի գործողության վերջին երեք ամիսների ընթացքում՝ առավելագույնը ավանդի պայմանագրային գումարի 100%-ի չափով (երկարաձգման հնարավորությամբ ավանդների դեպքում՝ երկարաձգման պահի դրությամբ ավանդի մայր գումարի):

Ավանդատուն կարող է ավանդային հաշվից ելքագրել գումարներ՝ բացառությամբ ավանդի գործողության առաջին երեք ամիսների ընթացքում՝ առավելագույնը ավանդի պայմանագրային գումարի 30%-ի չափով (երկարաձգման հնարավորությամբ ավանդների դեպքում՝ երկարաձգման պահի դրությամբ ավանդի մայր գումարի):

Ավանդատուն կարող է ընտրել տոկոսագումարների վճարման հետևյալ եղանակներից մեկը.

- ամսական վճարում
- ամսական կապիտալացում
- ժամկետի վերջում վճարում

Տոկոսների վճարման հաճախականությունը	Արժույթը	1 ամսից մինչև 3 ամիս ներառյալ	3 ամսից մինչև 6 ամիս ներառյալ	6 ամսից մինչև 9 ամիս ներառյալ	9 ամսից մինչև 12 ամիս ներառյալ	12 ամսից մինչև 24 ամիս ներառյալ
Տոկոսագումարների ամսական վճարում կամ կապիտալացում	ՀՀ դրամ	3.5%	4.5%	6.0%	7.0%	8.0%
	ԱՄՆ դոլար	-	1.0%	2.0%	2.5%	3.0%
	Եվրո	-	-	0.5%	1.0%	1.5%
	ՌԴ ռուբլի	1.5%	2.5%	3.5%	4.5%	5.5%


6 ամսից ավելի ժամկետով ավանդ ներդնելու և ժամկետի վերջում տոկոսագումարների վճարման տարբերակն ընտրելու դեպքում սահմանված տոկոսադրույքին գումարվում է 0.5% ՀՀ դրամի և 0.25% ԱՄՆ դոլարի, եվրոյի և ՌԴ ռուբլու դեպքում:

Գումարի ավելացման հնարավորությունն ընտրելու դեպքում սահմանված տոկոսադրույքը նվազում է 0.8%-ով ՀՀ դրամի, 0.3%-ով ԱՄՆ դոլարի, 0.2%-ով եվրոյի և 0.4%-ով ՌԴ ռուբլու դեպքում:

Գումարի նվազեցման հնարավորությունն ընտրելու դեպքում սահմանված տոկոսադրույքը նվազում է 1.3%-ով ՀՀ դրամի, 0.5%-ով ԱՄՆ դոլարի, 0.3%-ով եվրոյի և 0.6%-ով ՌԴ ռուբլու դեպքում:

Միաժամանակ գումարի ավելացման և նվազեցման հնարավորությունն ընտրելու դեպքում սահմանված տոկոսադրույքը նվազում է 1.8%-ով ՀՀ դրամի, 0.7%-ով ԱՄՆ դոլարի, 0.5%-ով եվրոյի և 0.8%-ով ՌԴ ռուբլու դեպքում:

Ավանդի տարեկան անվանական տոկոսադրույքը որոշվում է որպես սահմանված տոկոսադրույքի (ելնելով ընտրված ժամկետից և արժույթից) և ընտրված հնարավորությունների արժեքների թվաբանական գումար:

	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ	TC 01-02#6		
	«ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)	<i>Հաստատման ամսաթիվ 06/04/2020</i>	<i>Խմբագրություն 35</i>	<i>էջ 5/6</i>

Ամսական կապիտալացման տարբերակի դեպքում յուրաքանչյուր լրացած ամսվա համար ավանդի դիմաց հաշվեգրված տոկոսագումարը մուտքագրվում է Ավանդատի ավանդային հաշվին, ընդ որում՝ առաջին 6 ամսվա տոկոսագումարը մուտքագրվում է 6-րդ ամսվա վերջում:

Ծ Ա Ն ՈՒ Ց ՈՒ Մ

- Դրամային ավանդը պայմանագրային ժամկետից շուտ պահանջելու դեպքում մեկ (իրավաբանական անձանց և անհատ ձեռնարկատերերի դեպքում՝ երեք) բանկային օրվա ընթացքում ավանդատուին կվճարվի ավանդի գումարը և մինչև ավանդի դադարեցման օրվան նախորդող օրերի համար չվճարված տոկոսագումարները՝ տարեկան 1% չափով:

- Արտարժույթային ավանդը պայմանագրային ժամկետից շուտ պահանջելու դեպքում մեկ (իրավաբանական անձանց և անհատ ձեռնարկատերերի դեպքում՝ երեք) բանկային օրվա ընթացքում ավանդատուին կվճարվի ավանդի գումարը և մինչև ավանդի դադարեցման օրվան նախորդող օրերի համար չվճարված տոկոսագումարները՝ տարեկան 0.1% չափով:

- Ավանդային պայմանագրի գործողության ընթացքում ֆիզիկական անձանց կողմից ստացված տոկոսագումարները ենթակա են հարկման 10%-ի չափով՝ ՀՀ գործող օրենսդրության համաձայն:


- «ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ-ում ֆիզիկական անձանց բանկային ավանդների հատուցումը երաշխավորված է «Ավանդների հատուցումը երաշխավորող հիմնադրամի կողմից»՝ հատուցման ենթակա ավանդների չափերով, մասնավորապես՝

- միայն դրամային ավանդների դեպքում 10 մլն ՀՀ դրամ,
- միայն արտարժույթային ավանդի դեպքում 5 մլն ՀՀ դրամ,
- և՛ դրամային (5 միլիոնից ավել), և՛ արտարժույթային ավանդների դեպքում միայն դրամային ավանդը - մինչև 10 մլն ՀՀ դրամի չափով,

- և՛ դրամային (5 միլիոնից պակաս), և՛ արտարժույթային ավանդների դեպքում - դրամային ավանդն ամբողջությամբ և արտարժույթային ավանդը՝ 5 մլն ՀՀ դրամի և հատուցված դրամային ավանդի տարբերության չափով:

- Ժամկետային ավանդային հաշիվների համար Բանկի կողմից նախատեսված կամ սահմանված չեն տարեկան տոկոսային եկամտաբերությունը նվազեցնող սակագներ կամ այլ պայմաններ:

- Տոկոսագումարը հաշվարկվում է օրական կտրվածքով՝ հաշվին առկա մնացորդի նկատմամբ:
- Ժամկետային ավանդների շրջանակներում՝ ավանդային հաշվին առկա գումարից կախված, յուրաքանչյուր ավանդի հիման վրա կարող է տրամադրվել 1 անվճար քարտ:

	ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳ		TC 01-02#6		
	«ԱԿՔԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲԸ ԿՈՂՄԻՑ ԻՐԱԿԱՆԱՑՎՈՂ ԳՈՐԾԱՌՆՈՒԹՅՈՒՆՆԵՐԻ ՍԱԿԱԳՆԵՐ (ԺԱՄԿԵՏԱՅԻՆ ԱՎԱՆԴՆԵՐ)		Հաստատման ամսաթիվ 06/04/2020	Խմբագրություն 35	էջ 6/6

ԱՎԱՆԴԱՏԵՍԱԿՆԵՐԻ ՏԱՐԵԿԱՆ ՏՈԿՈՍԱՅԻՆ ԵԿԱՄՏԱԲԵՐՈՒԹՅՈՒՆՆԵՐ*

ԱՎԱՆԴ ԴԱՍԱԿԱՆ

Տոկոսների վճարման հաճախակա-նությունը	Արժույթը	1 ամսից մինչև 3 ամիս ներառյալ	3 ամսից ավել մինչև 6 ամիս ներառյալ	6 ամսից ավել մինչև 9 ամիս ներառյալ	9 ամսից ավել մինչև 12 ամիս ներառյալ	12 ամսից ավել մինչև 24 ամիս ներառյալ	24 ամսից ավել մինչև 36 ամիս ներառյալ
Ժամկետի վերջում	ՀՀ դրամ	4.58%	6.09%	7.06%	8.00%	8.63%	8.72%
	ԱՄՆ դոլար	1.00%	1.81%	2.81%	3.75%	3.92%	4.08%
	Եվրո	-	-	1.00%	1.50%	1.98%	-
	ՌԴ ռուբլի	1.51%	3.02%	4.02%	5.0%	5.83%	-

ԱՎԱՆԴ ԸՆՏԱՆԵԿԱՆ

Տոկոսների վճարման հաճախակա-նությունը	Արժույթը	առաջին 3 ամիսների համար	4-6-րդ ամիսների համար	7-9-րդ ամիսների համար	10 և ավել ամիսների համար
Ամսական	ՀՀ դրամ	4.33%	5.64%	6.95%	8.26%
	ԱՄՆ դոլար	0.75%	1.76%	2.78%	3.80%
	Եվրո	-	-	0.7%	1.41%
	ՌԴ ռուբլի	1.26%	2.53%	3.81%	5.09%

ԱՎԱՆԴ ԿՈՒՏԱԿՎՈՂ

Ավանդի արժույթը	Տարեկան տոկոսային եկամտաբերություն
ՀՀ դրամ	8.30%
ԱՄՆ դոլար	3.82%
Եվրո	1.51%
ՌԴ ռուբլի	5.12%

ԱՎԱՆԴ ԵՐԵԽԱՆՆԵՐԻ ՀԱՄԱՐ

Ավանդի արժույթը	Տարեկան տոկոսային եկամտաբերություն
ՀՀ դրամ	9.5%
ԱՄՆ դոլար	4.75%

*Տարեկան տոկոսային եկամտաբերությունը ցույց է տալիս, թե որքան կկազմի ավանդի տարեկան եկամտաբերությունը հաճախորդի կողմից ավանդի հետ կապված պարտադիր վճարներ կատարելու և ստացված տոկոսագումարները մայր գումարին ավելացնելու (կապիտալացման) արդյունքում: Տարեկան տոկոսային եկամտաբերության հաշվարկները իրականացվել են՝ համաձայն «Քանկային ավանդների տարեկան տոկոսային եկամտաբերության հաշվարկումը կանոնակարգ 8/02»-ի: Եթե տոկոսադրույքը վերաբերում է որոշակի ժամկետային միջակայքի, ապա տարեկան տոկոսային եկամտաբերության հաշվարկն իրականացվել է՝ հիմք ընդունելով տվյալ միջակայքի առավելագույն ժամկետայնությունը: